

02-135/1-16  
26.01.2016.

Na osnovu člana 124. Zakona o visokom obrazovanju Kantona Sarajevo, člana 92. Statuta Univerziteta u Sarajevu, a u skladu sa Pravilima studiranja za prvi ciklus studija na Univerzitetu u Sarajevu, Vijeće Arhitektonskog fakulteta na svojoj redovnoj V sjednici održanoj 21.01.2016. godine, donosi

## **P R A V I L N I K O ZAVRŠNOM (SINTEZNOM) RADU I CIKLUSA STUDIJA NA DODIPLOMSKOM STUDIJU ARHITEKTURE**

### **I Opće odredbe**

#### **Član 1.**

Ovim pravilima se bliže određuje postupak prijave, izrade i odbrane završnog rada I ciklusa studija na Arhitektonskom fakultetu koji vodi do stručnog zvanja Inženjer Arhitekture – Bakalaureat arhitekture, kao i druga pitanja koja je se odnose na uvjete i postupak provođenja završnog rada.

### **II Završni rad**

#### **Član 2.**

Studijskim programom prvog ciklusa studija Arhitektonskog fakulteta Sarajevo, predviđena je izrada i odbrana završnog (sinteznog) rada.

Tema završnog (sinteznog) rada je iz područja Arhitekture. Održava se u sklopu predmeta Arhitektonske konstrukcije 6 i Projektiranje 6, kao nadgradnja sadržaja obrađenih na spomenutim predmetima.

#### **Član 3.**

Završni stručni - sintezni rad - bakaleurat je stručni rad koji se izrađuje tokom posljednjeg semestra I ciklusa studija u obimu od 3 ECTS boda.

Sintezni rad predstavlja integraciju znanja i vještina iz arhitektonsko-urbanističkog projektiranja stečenih u prethodnim studijskim godinama. Na ovaj način student dokazuje da je savladao nastavni plan i program studija, stekao potrebno znanje i osposobio se za njegovu primjenu.

### **III Prijava teme i izbor mentora završnog rada**

#### **Član 4.**

Student bira temu i mentora završnog rada u prvoj sedmici posljednjeg - VI semestra I ciklusa studija i to na način da u Studentskoj službi izvrši prijavu (obrazac S1) putem popunjavanja anketnog listića.

Nakon obrade podataka izbora teme i mentora, javno se oglašava lista odobrenih tema i mentora sa pripadajućim kandidatima, putem oglasne ploče Studentske službe.

Obradu podataka, tj. izbor kandidata, čine nastavnici na predmetima Arhitektonske konstrukcije 6 - Sintezni stručni rad - Bakaleurat i Projektiranje 6 - Sintezni stručni rad -Bakaleurat.

#### **Član 5.**

Prijava završnog rada se vrši na prijavnom obrascu i obuhvata slijedeće podatke: naziv teme, predmet, datum prijave i potpis mentora. Ispunjena i potpisana prijava ovjerava se i odlaže u dosje studenta.

Mentor završnog rada – sinteznog rada može biti odgovorni nastavnik izabran na predmete Arhitektonske konstrukcije 6 - Sintezni stručni rad - Bakaleurat ili Projektiranje 6 - Sintezni stručni rad - Bakaleurat.

U slučaju prekomjernog broja prijavljenih kandidata na prijedlog odgovornog nastavnika lista mentora se može proširiti sa drugim nastavnicima izabranim na odgovarajuću oblast. Proširenu listu mentora usvaja Vijeće fakulteta.

Prekomjerni broj prijavljenih kandidata definira odgovorni nastavnik-mentor prema aktualnom akademskom/nastavnom opterećenju u semestru.

Student može jednom promijeniti temu i mentora završnog rada u periodu od 30 dana od dana prijave teme. Odluku o promjeni mentora i teme završnog rada donosi Vijeće fakulteta.

### **IV Oblik i sadržaj završnog rada**

#### **Član 6.**

Završni sintezni rad ima oblik stručnog rada.

#### **Član 7.**

Stručni završni rad sastoji se od:

- (1) tekstualnog opisa kojim se obrazlaže izabrana tema, odgovarajuće metodologije, štampanog na formatu A4 ili A3, obima do 24 kartica teksta. Grafički prilozi i tabele nisu dio obima rada;
- (2) projektantskog/inžinjerskog projekta, propisanog sadržaja projekta/plana, uvezanog u horizontalnoj orijentaciji formata A3 ili A2;
- (3) predmjer grubih radova i shema stolarije/bravarije;
- (4) makete odgovarajućeg obuhvata i mjerila;

Sadržaji iz tačke (3) se predaju samo u slučaju da je tema prijavljena na predmetu Arhitektonske konstrukcije 6 - Sintezni stručni rad - Bakaleurat.

Sadržaji iz tačke (4) se predaju samo u slučaju da je tema prijavljena na predmetu Projektiranje 6 - Sintezni stručni rad -Bakaleurat.

### **V Komisija za ocjenu i odbranu završnog rada**

#### **Član 8.**

Komisija za ocjenu i odbranu završnog rada je stalna, ima tri (3) člana, i to: predsjednik i dva člana, iz relevantnih oblasti završnog rada, vodeći računa o ravnomjernoj/potrebnoj

zastupljenosti članova iz ključnih disciplina arhitektonske i urbanističke struke/nauke. Jedan od članova komisije je i mentor.

U komisiju se imenuje i jedan zamjenski član, koji u slučaju spriječenosti jednog od stalnih članova, stiče punopravni status u radu komisije.

Komisiju imenuje Vijeće fakulteta i bira se na period od tri godine.

## **VI Ocjena i odbrana završnog rada**

### **Član 9.**

Odbrana završnog rada se može prijaviti tek nakon položenih svih ispita i izvršenih svih drugih obaveza predviđenih studijskim programom I ciklusa studija.

Odbrana završnog rada se vrši u okviru redovnih ispitnih rokova na završetku akademske godine (juni-juli).

U slučaju da student ne zadovolji na odbrani završnog rada, ima pravo na još jednu odbranu - u redovnom popravnom ispitnom roku (septembar).

### **Član 10.**

Nakon završetka izrade završnog rada, te ispunjenih svih obaveza predviđenim pravilima studija student podnosi prijavu za odbranu završnog rada (obrazac S2).

Sastavni dio prijave, pored prijavnog obrasca za odbranu, čine i četiri primjerka završnog rada, i to jedan primjerak u printanom obliku a preostala tri u digitalnom obliku.

### **Član 11.**

Odbrana završnog rada se sastoji od usmenog izlaganja rezultata rada, kao i odgovora na pitanja Komisije u vezi sa rezultatima i zaključcima rada.

### **Član 12.**

Za odbranu završnog rada utvrđuje se ocjena od 5 (pet) do 10 (deset).

Ocjenu odbrane završnog rada, njegove grafičke prezentacije i usmenog izlaganja studenta, svaki član Komisije upisuje u zajednički obrazac koji je u odgovornosti predsjednika Komisije.

Na osnovu ovih ocjena predsjednik Komisije utvrđuje i upisuje u obrazac (obrazac S3) prosječnu ocjenu i ona predstavlja jedinstvenu ocjenu završnog rada.

Ako Komisija nije jednoglasno dala pozitivnu ocjenu, student nije zadovoljio na ispitu, bez obzira na ukupnu prosječnu ocjenu završnog rada.

### **Član 13.**

Student koji je uspješno odbranio završni rad, stiče zvanje:

# INŽENJER ARHITEKTURE - BAKALAUREAT ARHITEKTURE

## VII Završne odredbe

### Član 14.

Pitanja koja nisu regulisana ovim pravilnikom, regulisat će svojim odlukama Vijeće fakulteta.

### Član 15.

Tumačenje odredbi Pravilnika o završnom radu I ciklusa studija daje Vijeće Fakulteta.

### Član 16.

Ovaj pravilnik stupa na snagu danom donošenja, a primjenjuje se od školske 2016/2017. godine.

D e k a n

Prof. mr Mevludin Zecević, dipl.ing.arh.



**S1** PRIJAVA TEME ZAVRŠNOG RADA - I CIKLUS - ARHITEKTONSKI FAKULTET UNIVERZITETA U SARAJEVU

PREZIME I IME STUDENTA:

PREZIME I IME MENTORA / NAZIV KATEDRE:

NAZIV TEME:

PREDMET/OBRAZLOŽENJE TEME:

OSNOVNA LITERATURA:

U SARAJEVU

POTPIS MENTOR:

**S2****PRIJAVA ODBRANE ZAVRŠNOG RADA- I CIKLUS - ARHITEKTONSKI FAKULTET UNIVERZITETA U SARAJEVU**

PREZIME I IME STUDENTA:

--

DATUM/MJESTO I DRŽAVA RODJENJA:

--

BROJ INDEX-A / DATUM UPISA NA STUDIJ:

--

PROSJEČNA OCJENA STUDIJA:

--

PREZIME I IME MENTORA / NAZIV KATEDRE:

--

NAZIV TEME:

DATUM ODBRANE:

--	--

U SARAJEVU

POTPIS STUDENTSKA SLUŽBA:

# S3 OCJENA ODBRANE ZAVRŠNOG - I CIKLUS - ARHITEKTONSKI FAKULTET UNIVERZITETA U SARAJEVU

PREZIME I IME STUDENTA/TEMA ZAVRŠNOG-SINTEZNOG RADA:

--

PREZIME I IME MENTORA:

--

## IZVJEŠTAJ KOMISIJE

O ODRŽANOJ ODBRANI ZAVRŠNOG-SINTEZNOG RADA AK.GOD. 20--/--

		ČLANOVI KOMISIJE	OCJENA	POTPIS
Predsjednik	1.			
Član	2.			
Član	3.			
NAPOMENE I DODATNO OBRAZLOŽENJE				
ZAKLJUČNA OCJENA RADA		_____ (		Datum odbrane
		)		--/--/--